

Буцлгън бола

Дублин балгъсна (Ирландия) бензеколонкин 1500 кӧдлмшчнрин буцлгън бола бӕннӕ, эдн джалв икдӱлхиг некджӕнӕ. Бензин ӕс кӱртснӕс иштӕ автокӧлгнӕ икнӕкнӕ зогсджана. Нарт делкӕн рейсмӱд теткдг, Шаннонед бӕадг аэродром хаагдв. Буцлгъг цаарандн келгън 90 предприятин кӧдлмшт зӧвӕр саалтг болхмин гидж ирландск промышленникӱдин федерацин элч герчлв.

Бирмингамд (Англия) бӕӕх «Бритиш мотор корпорейшн» гидг фирмин амтомобильн заводин кӧдлмшчнр буцлгъ кеснӕс иштӕ, эн компания кесг предприятъсин продукц гаргългън икӕр хасгдв. Ковентри балгъснд бӕӕх «Моррис моторс» гидг компания автомобилн кузов кедг заводт цлгъна машинӕ джолачир кӧдлмшӕн зогсав. Эдн кӧдлмшин таалиг ясерулхинь некджӕнӕ.

Идзукигъӕс (Фукуока префектур, Япония) сонъхсар болхла «Ниттецу Футасе» гидг нӱӱрснӕ компания кӧдлмшчнр цугъар 72 часа буцлгъ зар-

лдж. Эдн 120 шахтериг кӧдлмшӕснӕ гаргъхин туск компания административацин шиидвриг уурулхиг некджӕнӕ. Сӱл ӧдрмӱдт эн — японна шахтермӱдин кесн зургъадгч буцлгън, эн буцлгъсиг нӱӱрснӕ промышленностин кӧдлмшчнрин профсоюзмӱдин японск федерацин гардӱр, ӕмт кӧдлмшӕс гаргългъг бурушадж, джалв икдӱлхин тӧлӕ. кӧдлмшчнрин кӱч-кӧлснӕ бӕӕддиг ясерулхин тӧлӕ ноолда делгрӱлдж кеджӕнӕ.

Кени балгъсна 20 мингъ гар африканск тӧмр хаалгъчнр, кӱч-кӧлснӕ бӕӕддиг ясерулхиг болн джалв икдӱлхиг некдж доладгч ӧдртӕн буцлгъ кеджӕнӕ. Эднӕ седкл негддӕхин темдг кедж Угандин тӧмр хаалгъчнр бас буцлгъ кеджӕхӕн зарлв.

Искендеронд (Турция) портсин 300 кӧдлмшчнр буцлгъ кеджӕнӕ. Эн буцлгън портин управлень, кӧдлмшчнрин кӱч-кӧлснӕ бӕӕддиг ясерулх неквриг ӕс кӱцӕснӕс иштӕ кегддӕжӕнӕ.

(ТАСС).